

Mostar, 19.07.2016. godine  
Broj: 619/1/16

**ZAPISNIK I ZAKLJUČCI SA TRINAESTE SJEDNICE  
PREDSJEDNIŠTVA SKUPŠTINE SAVEZA OPĆINA I GRADOVA  
FEDERACIJE BOSNE I HERCEGOVINE**

U Gradskoj vijećnici Grada Mostara je dana 19.07.2016. godine održana Trinaesta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo Saveza).

Sjednici Predsjedništva Saveza su prisustvovali: Ivo Jerkić, načelnik Općine Čitluk i predsjednik Predsjedništva Saveza, Ivan Vukadin, načelnik Općine Tomislavgrad, Asim Mekić, načelnik Općine Busovača, Ljubo Grizelj, načelnik Općine Grude, Dragana Solaković, pomoćnik gradonačelnika Grada Sarajeva za lokalnu samoupravu i Amila Koso, po ovlaštenju načelnice Općine Visoko.

Pored gore navedenih, sjednici su prisustvovali i: Miroslav Landeka, Grad Mostar, Vesna Travljanin, direktor Saveza, Zlata Turkić, viši saradnik za rad sa skupštinskim komisijama i institucijama vlasti, i Selma Fišek, viši saradnik za pravna pitanja.

**Ivo Jerkić je pozdravio prisutne i otvorio Trinaestu sjednicu Predsjedništva Saveza. Predložio je Dnevni red sjednice kako slijedi, te naglasio da će pod tekućim pitanjima kandidirati još jednu tačku:**

1. Zapisnik i Zaključci sa Dvanaeste sjednice Predsjedništva Skupštine Saveza općina i gradova Federacije BiH
2. Zapisnik sa sjednice Komisije za ekonomski razvoj općina i gradova i finansije i pismeno očitovanje članova komisija Saveza na Nacrt zakona o državnoj službi u Kantonu Sarajevo  
Izjavitelj: Zlata Turkić, viši saradnik za rad sa skupštinskim komisijama i institucijama vlasti

3. Nacrt Sporazuma o saradnji između Vlade Federacije BiH, Parlamenta Federacije BiH i Saveza općina i gradova Federacije BiH  
Izvjestilac: Vesna Travljanin, direktor Saveza

4. Informacije:

- a) Informacija sa 12. sjednice Predstavničkog doma Parlamenta Federacije BiH  
Izvjestilac: Vesna Travljanin, direktor Saveza
- b) Konferencija „Reformski dijalog lokalnih i centralnih vlasti u Federaciji BiH“  
Izvjestilac: Vesna Travljanin, direktor Saveza
- c) Konferencija za predsjedavajuće i sekretare općinskih/gradskih vijeća u Federaciji BiH  
Izvjestilac: Vesna Travljanin, direktor Saveza

5. Tekuća pitanja

- a) Inicijativa Općine Tešanj za organiziranje tematskog sastanka na temu propisa koji uređuju plaće i naknade uposlenika, zastupanje prilikom pregovaranja i zaključenja općih i granskih kolektivnih ugovora  
Izvjestilac: predstavnik Općine Tešanj
- b) Imenovanje člana Projektnog odbora za Projekat općinskog okolišnog i ekonomskog upravljanja (MEG) ispred Predsjedništva Skupštine Saveza općina i gradova FBiH  
Izvjestilac: Vesna Travljanin, direktor Saveza

Vesna Travljanin je predložila da se Dnevni red proširi sa tačkom vezano za saradnju Saveza i firme „Alpha“ d.o.o. – pod tekućim pitanjima.

**Predsjedništvo Saveza je jednoglasno usvojilo predloženi Dnevni red.**

1. Zapisnik i Zaključci sa Dvanaeste sjednice Predsjedništva Skupštine Saveza općina i gradova Federacije BiH

Ivo Jerkić je dao na glasanje Zapisnik i zaključke sa Dvanaeste sjednice Predsjedništva Saveza.

**Predsjedništvo Saveza je jednoglasno usvojilo Zapisnik i zaključke sa Dvanaeste sjednice Predsjedništva Skupštine Saveza općina i gradova Federacije BiH.**

2. Zapisnik sa sjednice Komisije za ekonomski razvoj općina i gradova i finansije i pismeno očitovanje članova komisija Saveza na Nacrt zakona o državnoj službi u Kantonu Sarajevo

Zlata Turkić je izvijestila o održanoj sjednici Komisije za ekonomski razvoj općina i gradova i finansije.

Predsjedništvo Saveza je jednoglasno usvojilo Zapisnik sa sjednice Komisije za ekonomski razvoj općina i gradova i finansije sa zaključcima kako slijedi:

- **Cijeneći mišljenje jedinica lokalne samouprave sa područja BPK Goražde, čije interese Savez općina i gradova FBiH, prema Zakonu o principima lokalne samouprave u FBiH, član 51. stav 2., tačka 1. ) zastupa pred višim nivoima vlasti, Komisija za ekonomski razvoj općina i gradova i finansije ne podržava Inicijativu Ministarstva za urbanizam, prostorno uređenje i zaštitu okoline Bosansko-podrinjskog kantona Goražde za izmjene Zakona o komunalnim djelatnostima BPK Goražde, bez prethodnog utvrđivanja drugog izvora finansiranja usluga zajedničke komunalne potrošnje;**
- Podržava se poslanička inicijativa za izmjene i dopune Zakona o porezu na promet nekretnina Tuzlanskog kantona, ukoliko se radi o oslobađanju od poreza na promet nepokretnosti i prava pod uvjetom da je predmetna nepokretnost ili pravo isključivo namijenjeno za vjerske objekte ( izgradnju vjerskih objekata, objekte za vjersku službu, vjerske škole, smještaj vjerskih zajednica, mezarja i sl.);
- Ne podržava se poslanička inicijativa za izmjene i dopune Zakona o porezu na promet nekretnina Tuzlanskog kantona ukoliko se radi o oslobađanju od poreza na promet nepokretnosti i prava koji imaju komercijalni karakter (objekata koji nemaju vjerski karakter – namjenu);
- **Prihvata se Inicijativa Općine Žepče za izmjene i dopune Zakona o visini stope zatezne kamatne u Federaciji BiH na način da iznos obračunate zatezne kamate ne može biti veći od glavnog duga.**

Ljubo Grizelj je istakao da bi općenito trebalo tražiti od nadležnih organa da kamatna stopa prati životne tokove i da se tu traži neki balans. Naglasio je da je pogled na ovo pitanje – inicijativu različit u zavisnosti od toga da li se isto posmatra iz ugla povjerioca ili iz ugla dužnika, te da je ovo „škakljivo“ pitanje.

## **Pismeno očitovanje komisija Saveza o Nacrtu zakona o državnoj službi u Kantonu Sarajevo**

Selma Fišek je naglasila da je Savez konsultovao članove nadležnih komisija o Nacrtu zakona o državnoj službi u Kantonu Sarajevo, te da je javna rasprava o nacrtu već završena. Istakla je da su se neki od članova komisija pismeno očitovali da ne podržavaju rješenje kojim se predviđa uvođenje mandata za sekretare općinskih/gradskih vijeća, na koji način bi isti izgubili status državnih službenika.

Ivo Jerkić je naglasio da postoje različita iskustva u vezi ovog pitanja.

Ivan Vukadin je istakao da se zalaže za rješenja prema kojima bi svi državni službenici morali biti promjenjivi.

Dragana Solaković je naglasila da će već naredne sjednice (27.07.2016.) godine na sjednici Skupštine Kantona Sarajevo biti razmatran Prijedlog zakona o državnoj službi u Kantonu Sarajevo.

### **Predsjedništvo Saveza je primilo k znanju ovu informaciju.**

Usijedile su izjave za medije.

Zlata Turkić je predložila da se iskoristi ovaj momenat, te istakla da viši nivoi vlasti Savezu sve više dostavljaju na mišljenje zakonske propise u formi prednacrta ili radnih verzija zakona, i da bi bilo dobro da Predsjedništvo Saveza donese zaključak da se na takve zahtjeve odgovori da se u najvećoj mogućoj mjeri uvažavaju stavovi, primjedbe i mišljenja jedinica lokalne samouprave sa tog područja, odnosno onih jedinica lokalne samouprave koje će i primjenjivati zakon.

**Predsjedništvo Saveza je jednoglasno usvojilo zaključak da se, prilikom izjašnjavanja na prednacrtu i radne verzije zakonskih propisa, u postupku konsultovanja Saveza od strane viših nivoa vlasti, traži da predlagači tih zakona u najvećoj mogućoj mjeri uvažavaju stavove, primjedbe i mišljenja jedinica lokalne samouprave sa tog područja, odnosno onih jedinica lokalne samouprave koje će i primjenjivati određeni zakon.**

### **3. Nacrt Sporazuma o saradnji između Vlade Federacije BiH, Parlamenta Federacije BiH i Saveza općina i gradova Federacije BiH**

Vesna Travljanin je istakla da su u toku aktivnosti na potpisivanju Sporazuma o saradnji između Vlade Federacije BiH, Parlamenta Federacije BiH i Saveza općina i gradova Federacije BiH, te da ovaj Sporazum predviđa viši stepen konsultovanja i uvažavanja lokalnog nivoa vlasti od strane federalnih vlasti. Napomenula je da Savez ima potpisan Sporazum o saradnji sa Vladom Federacije BiH, ali da se on ne provodi u mjeri u kojoj bismo mi željeli.

**Predsjedništvo Saveza je primilo k znanju ovu informaciju.**

#### 4. Informacije

##### **a) Informacija sa 12. sjednice Predstavničkog doma Parlamenta Federacije BiH**

Zlata Turkić je istakla da je Predstavnički dom Parlamenta Federacije BiH na svojoj Dvanaestoj sjednici održanoj 13.07.2016. godine usvojio Nacrt zakona o šumama. Naglasila je da Savez nije zadovoljan usvojenim Nacrtom, ali da će tokom javne rasprave, koja je određena u trajanju od 90 dana, izraditi konkretne primjedbe i insistirati na njihovom ugrađivanju u Prijedlog zakona o šumama kako bi isti bio usklađen sa Evropskom poveljom o lokalnoj samoupravi i Zakonom o principima lokalne samouprave u Federaciji BiH, što je naloženo presudom Ustavnog suda Federacije BiH iz 2009. godine.

Ivo Jerkić je naglasio da daje podršku Prijedlogu zakona o šumama Hercegovačko-neretvanskog kantona/županije koji je procesu donošenja. Smatra da je bezakonje najlošija situacija.

Ivan Vukadin i Asim Mekić su učestvovali u raspravi o Nacrtu zakonu o šumama. Slažu se da nije u redu stav radne grupe Saveza da se upravljačka struktura šumskoprivrednih društava uredi na način da se ova tijela i rukovodioci biraju tako što će broj članova procentualno pratiti učešće etata u tom društvu.

Istaknuto je da je najlošija varijanta da nemamo usvojen nikakav Zakon o šumama.

**Predsjedništvo Saveza je primilo k znanju ovu informaciju.**

**Predsjedništvo Savrza je usvojilo zaključak da se od Ministarstva poljoprivrede, šumarstva i vodoprivrede Hercegovačko-neretvanskog kantona traži da u najvećoj mogućoj mjeri uvaži primjedbe i sugestije jedinica lokalne samouprave**

sa područja Hercegovačko-neretvanskog kantona na Prijedlog Zakona o šumama u Hercegovačko-neretvanskom kantonu.

#### **b) Konferencija „Reformski dijalog lokalnih i centralnih vlasti u Federaciji BiH“**

Vesna Travljanin je informisala Predsjedništvo o Konferenciji „Reformski dijalog lokalnih i centralnih vlasti u FBiH“ koju je Savez organizirao u saradnji sa Svjetskom bankom, a koja je održana 14.06.2016. godine u Sarajevu.

**Predsjedništvo Saveza je primilo k znanju ovu informaciju.**

#### **c) Konferencija za predsjedavajuće i sekretare općinskih/gradskih vijeća u Federaciji BiH**

Selma Fišek je izvijestila članove Predsjedništva o održanoj konferenciji za predsjedavajuće i sekretare općinskih/gradskih vijeća u Federaciji BiH koja je realizovana u saradnji sa Misijom OSCE-a u Bosni i Hercegovini.

**Predsjedništvo Saveza je primilo k znanju ovu informaciju.**

### **5. Tekuća pitanja**

- a) Inicijativa Općine Tešanj za organiziranje tematskog sastanka na temu propisa koji uređuju plaće i naknade uposlenika, zastupanje prilikom pregovaranja i zaključenja općih i granskih kolektivnih ugovora

Selma Fišek je upoznala Predsjedništvo sa inicijativom Općine Tešanj za organiziranje tematskog sastanka na temu propisa koji uređuju plaće i naknade uposlenika, zastupanje prilikom pregovaranja i zaključenja općih i granskih kolektivnih ugovora. Istakla je da se suština ove inicijative ogleda u tome da Savez ne bi trebao davati bilo kakve saglasnosti na kolektivne ugovore za organe uprave, jer se procesi različito vode po kantonima, nego bi Savez u slučaju kolektivnih ugovora za uposlenike općina i gradova, kao i za kolektivne ugovore za komunalnu djelatnost (komunalna preduzeća, toplane i sl.) trebao organizirati podršku općinama/gradovima, jer su isti po prvi direktno strana u postupku.

Asim Mekić je istakao da podržava ovu ideju samo bi joj trebalo datu drugu dimenziju.

Dragana Solaković je naglasila da nada da će se problematika plaća ponovo uređivati.

**Predsjedništvo Saveza je dalo podršku inicijativi Općini Tešanj na način da Savez općina i gradova Federacije BiH organizuje tematski sastanak na temu propisa koji uređuju**

plaće i naknade uposlenika i zastupanje prilikom pregovaranja i zaključenja općih i granskih kolektivnih ugovora.

- b) Imenovanje člana Projektnog odbora za Projekat općinskog okolišnog i ekonomskog upravljanja (MEG) ispred Predsjedništva Skupštine Saveza općina i gradova FBiH

**Predsjedništvo Saveza je usvojilo zaključak da se u Projektni odbor Projekta općinskog okolišnog i ekonomskog upravljanja (MEG) ispred Predsjedništva Skupštine Saveza općina i gradova Federacije BiH imenuje Ivan Vukadin za člana Projektnog odbora, i Asim Mekić za zamjenika člana Projektnog odbora.**

Vesna Travljanin je istakla da je od Saveza traženo da imenuje dva predstavnika za delegaciju Bosne i Hercegovine u Kongresu lokalnih i regionalnih vlasti Vijeća Evrope. Istakla je da smatra da aktivnosti na pripremi ovih imenovanja nisu završene do trenutka održavanja sjednice Predsjedništva Saveza.

**Predsjedništvo Saveza je načelno predložilo Semira Efendića i Ivana Vukadina za predstavnike Saveza u delegaciji Bosne i Hercegovine u Kongresu lokalnih i regionalnih vlasti Vijeća Evrope, uz zaključak da je o ovom prijedlogu potrebno obaviti dodatne konsultacije.**

Ivo Jerkić je pod tekućim pitanjima kandidirao pitanje vezano za hitnu potrebu usklađivanja Zakona o građevinskom zemljištu Federacije BiH sa Zakonom o stvarnim pravima Federacije BiH.

**Predsjedništvo Saveza je usvojilo zaključak da se prema nadležnim federalnim vlastima uputi urgencija za usklađivanje Zakona o građevinskom zemljištu Federacije BiH sa Zakonom o stvarnim pravima Federacije BiH.**

**Također je usvojen zaključak da se svim članicama Saveza (n/r službe za imovinsko-pravne poslove) dostavi sljedeći upit:**

**„Dostavljaju li Z.K.uredi (grunтовnice) u vašoj općini/gradu rješenja o uknjižbi prava vlasništva koje glasi na vašu općinu/grad, svim pravobranilaštvima u Federaciji BiH (federalnom, kantonalnom i općinskom), kao i Pravobranilaštvu Bosne i Hercegovine?“**

Vesna Travljanin je informisala Predsjedništvo u vezi sa nastalom situacijom sa firmom „Alpha“ d.o.o. Istakla je da je Savez, odlukom Predsjedništva iz 2011. godine, zaključio Sporazum o saradnji sa firmom „Alpha“ d.o.o. koji je bio načelne prirode i gdje je naknadno bilo potrebno definisati konkretne korake u vezi sa projektom uvođenja trezorskog poslovanja u jedinicama lokalne samouprave. Naglasila je da je Stručna služba Saveza informisana od strane pojedinih članica da je firma „Alpha“ d.o.o., jednostrano poduzimala određene radnje, za što nije postojala saglasnost Saveza. Naglašeno je da je Stručna služba Saveza pismenim putem obavijestila svoje članice da ne ulaze u poslovne kontakte sa ovom firmom.

**Predsjedništvo Saveza je zaključilo da se raskine Sporazum o saradnji između Saveza općina i gradova Federacije BiH i firme „Alpha“ d.o.o. i da se o ovom zaključku Predsjedništva obavijeste sve članice Saveza.**

Nakon konstatacije da su sve tačke Dnevnog reda iscrpljene, Ivo Jerkić je zatvorio Trinaestu sjednicu Predsjedništva Saveza u 15.30 sati.

Zapisnik sačinila:  
Selma Fišek

Predsjednik Predsjedništva Skupštine Saveza  
Ivo Jerkić, s.r.